



Broj: 11-11-534/26
Vogošća, 18.05.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 18.05.2026. godine donio je

ODLUKU O PONIŠTENJU OTVORENOG POSTUPKA NABAVKE USLUGE IZRADE PROJEKTNE DOKUMENTACIJE ZA SANACIJU KLIZIŠTA U ULICI KENANA BRKANIĆA KOD BR. 28

Član 1.

Poništava se Otvoreni postupak nabavke usluge izrade projektne dokumentacije za sanaciju klizišta u ulici Kenana Brkanića kod br. 28, broj: 11-11-534/26, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 10.04.2026. godine donio Odluku o pokretanju Otvorenog postupka nabavke usluge izrade projektne dokumentacije za sanaciju klizišta u ulici Kenana Brkanića kod br. 28, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 10.04.2026. godine pod brojem: 1353-1-2-80-3-80/26.

Sažetak Obavještenja o nabavci objavljen je u "Službenom glasniku BiH" broj: 29/26 od 24.04.2026. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača, a izmjenu Tenderske dokumentacije je preuzelo 8 (osam) ponuđača.

Krajnji rok za dostavu ponuda bio je 04.05.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.05.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Geo konzalting" d.o.o. Sarajevo, broj int. knjige 14/26, sa ponuđenom ukupnom cijenom nabavke u iznosu od 9.040,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-534/26 iz aprila 2026. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Geo konzalting" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Ponuda ponuđača "Geo konzalting" d.o.o. Sarajevo nije u skladu sa Tenderskom dokumentacijom jer ponuda nije pravilno uvezana.

Naime, Tenderskom dokumentacijom propisano je:

8.1.4. Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. **Svi listovi ponude moraju biti čvrsto uvezani na način da se onemogućí naknadno vađenje ili umetanje listova, osim garantnih dokumenata.**

U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude.

Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponuda. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati.

Ponuda ponuđača "Geo konzalting" d.o.o. Sarajevo nije pravilno uvezana - uvezana je samo spiralnim uvezom, ali nema jamstvenika čiji krajevi su trebali biti pričvršćeni žigom ili naljepnicom ovjerenom pečatom ponuđača, kako je to propisano u Tenderskoj dokumentaciji.

Također, na stranici 6/24 Ponude, u obrascu za cijenu ponude - Aneks 2 Tenderske dokumentacije, ponuđač je propustio popuniti rubriku ukupne cijene, iako je u obrascu za cijenu ponude to izričito zahtjevano.

Napomena:

1. Cijene moraju biti izražene u KM. Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak i ako se radi o iznosu 0,00 KM).

Obzirom da Ponuda nije u skladu sa uslovima propisanim Tenderskom dokumentacijom, a u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Shodno iznesenom, Komisija za javne nabavke jednoglasno daje preporuku Općinskom načelniku da donese Odluku o poništenju Otvorenog postupka nabavke usluge izrade projektne dokumentacije za sanaciju klizišta u ulici Kenana Brkanića kod br. 28, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. "Geo konzalting" d.o.o. Sarajevo
2. Nadležnoj Službi
3. U dosije
4. a/a

info@geokonzalting.ba

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA